



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

3. Quòd dilectio implet legem, & sua habet pr[a]emia hîc & in futuro.

urn:nbn:de:hbz:466:1-29452

retur, non comminabatur, I. Pet. 2. Non gaudet super iniuitate, id est, damno vel malo proximi, sed flet cum fluentibus, Rom. 12. Et congaudet veritati, ubi scilicet gloria Dei predicatur & proximi utilitas. Psal. 4. & perdes omnes qui loquuntur mendacium. Charitas omnia suffert propter Christum, eius vestigia sequens, I. Pet. 2. Omnia credit, non est suspicio sa vel pertinax in sua opinione. Omnia sperat, non dubitans ea consequi quae a Deo & proximo promissa sunt: Omnia sustinet propter Dei gloriam & commodum proximi sui. Roman. 8. Quis separabit nos a charitate Dei &c. Summa, sine illa non valent linguae, non scientia, non fides, nec castigatio corporis, nec Eleemosyna, inquit Apostolus, neque oratio, vel id genus alia. Nam hoc preceptum habemus a Deo, ut qui diligit Deum, diligit & fratrem suum, I. Ioan. 4. Qui enim dicit, diligere Deum & fratrem suum odit, mendax est &c? & Christus inquit Matth. 5. Vade primum reconciliari fratri tuo. Vbi ergo dilectio proximi non est, ibi nec iustitia retinetur, nec opera, etiam qualiacunque, sunt efficacia donec inuidia erga proximum durat.

3. Hæc dilectio legem Dei implet, sicut inquit Apostolus Roman. 13. Qui diligit proximum, legem ad implet. Nam qui diligit proximum suum, non habet rem cum uxore eius: non occidit illum, non furatur ei, & si quid aliud est in lege mandatum, illa omnia in hoc verbo, Diliges proximum tuum sicut teipsum, instaurantur. Plenitudo ergo legis est dilectio. Hanc Christus ubique præcipit & urget, & magna habebit præmia in hac & post hanc vitam. Ideo inquit Apostolus, Nemini quicquam debeat nisi ut inuidem diligatis: erit enim in nouissimis diebus signum diei nouissimi de propinquuo futurum, quando charitas omnis refixerit, & iniuitas abundabit, Matth. 24. Et hanc dilectionem iam ignorat mundus, & maximè gloriatores Euangelij. Quare ante omnia diligabet pri-

Rom. 13.

bet primum Deus propter semetipsum, deinde proximus noster propter Deum, si queras, quomodo debeat opus hominis fieri ex charitate, sicut iubet Apostolus 1. Cor. 16. Omnia vestra in charitate fiant: respideo, tunc fit opus ex charitate, quod propter ipsum Deum fit, propter eius bonitatem, & non propter munera vel dona, id est, nec propter cœlum, nec timore inferni: sicut filius diligit patrem, eo quod pater eius est, non principaliter propter hæreditatem, & sponsus sponsam propter semetipsam, non propter concubitum. Alioqui haec dilectio esset seruilia & mercenaria. Igitur homo debet intentionem suam dirigere principaliter in DEVM ipsum, & ad gloriam eius facere quæ facit, deinde sperare quia debet illi Deus regnum cœlorum, & custodiet à peccata aeterna propter suam promissionem: ipse enim promisit praemia beneficentibus. Ideò causa præmij est sua gratuita voluntas & promissio, non opus nostrum operatum. Ipse certissime seruabit suam promissionem. Saltem tu ex charitate facias quæ facis, id est, propter ipsum Deum. Sic inquit David Psalmus 118. Inclinaui cor meum ad faciendas iustificationes tuas, id est, principaliter propter temetipsum; deinde propter retributionem, quam tu promisisti, non quam ego merui. Deus igitur omnibus est præferendus, nec ei placet seruitium, quod fit, contemptu eo, propter dona. Et patri displicet filius, qui ipsum solum diligit ob diuitias, & sponsæ sponsus, quia hoc non fit ex charitate. Debent igitur omnia nostra fieri ex charitate propter ipsum Deum & personam eius principaliter. Deinde speramus dona eius propter promissionem, non ut nos illa mereamur. Sic diligimus patrem cœlestem, & petimus panem quotidianum, & hunc panem donabit filius propter suam promissionem, non propter orationem nostram, licet illa maxime exigatur. Non nobis Domine, non nobis, sed nobis.

mini tuo da gloriam, inquit Propheta. Sperare debet dona Dei, sed propter illa non mea opera facere, sed ex charitate, sicut filius seruit patri primo, quia pater eius est: deinde, quia sperat hereditatem: at seruus solus seruit propter premium &c. Dilectio est immerita misericordia, fauor, gratia, quae exhibetur proximo propter Christum, hoc est, fit propter Christum & illum respicit, non promeritum proximi vel odiū, eò quod dilectio est immerita gratia vel favor immeritus, qui exhibetur proximo propter Deum.

CAP. XXXVIII.

ARGUMENTA.

1. *Quare Deus est timendus ne peccemus.*
2. *Quomodo peius contingit relabebitibus in presentia vitia, & hic, & in futura vita.*
3. *Quod timentibus Deum semper prospere & bene omnia succedunt.*

VO nos allicere debent ad timorem Dei, ne peccemus: primo, quia pater est ideo charitas nos debet abstrahere a peccato, ut timeamus, ne offendatur pater celestis. Mal. 1. Si ego Dominus vester, ubi est timor meus? bonus filius qui patrem diligit, isti met eum offendere. Eccles. 1. Timor Domini expellit peccatum. Nam qui sine timore est, non poterit iustificari. Signanter inquit, timor Domini: non dicit, timor poenae, aut timor perditionis diuitiarum vel salutis, sed Domini. Secundo, ad timorem nos allicere debet ne peccemus, grauitas peccati. Sic enim Deus detestatur peccatum, ut de illo placarion non potuerit, nisi filius suus occideretur. Non igitur Ieuis res est, peccare & Deum offendere. Esa. 53. Potius